



Broj: 04-02-5-93-1/24

Sarajevo, 14. 02. 2024. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16, i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za statistiku Bosne i Hercegovine, *p o d n o s i*

IZVJEŠTAJ O RADU AGENCIJE ZA STATISTIKU BOSNE I HERCEGOVINE ZA 2023. GODINU

I – UVOD

Agencija za statistiku Bosne i Hercegovine (u nastavku teksta: Agencija) je samostalna upravna organizacija, nadležna za obradu, distribuciju i utvrđivanje statističkih podataka Bosne i Hercegovine (u nastavku teksta: BiH), kao i njeno međunarodno predstavljanje pred evropskim i međunarodnim tijelima po pitanju statistike.

Agencija je u 2023. godini bazirala svoje aktivnosti na Programu rada Agencije za 2023. godinu. Planirani godišnji rezultati Agencije proizlaze iz Srednjoročnog plana rada Agencije 2021.-2023., koji je bio i osnov za izradu godišnjeg programa rada Agencije.

Srednjoročni cilj Agencije - *Obezbjediti kvalitetne, harmonizirane i pravovremene službene statističke podatke svim korisnicima* – implementiran je putem provedbe programskog cilja proizvodnja službene statistike u skladu sa potrebama korisnika.

U izvještajnom periodu, Agencija je, u okviru programa, realizirala slijedeće prioritetne aktivnosti planirane Programom rada za 2023. godinu, i to:

UNAPREĐENJE SARADNJE SA KORISNICIMA I HARMONIZACIJA STATISTIKE SA MEĐUNARODNIM STANDARDIMA I PREPORUKAMA

U skladu sa Kalendarom publikovanja u 2023. godinu Agencija je publikovala 420 saopćenja sa statističkim podacima za različite referentne periode; 16 godišnjih tematskih biltena, 6 metodoloških dokumenata i 70 vremenskih serija.

U Izvještaju Evropske komisije o Bosni i Hercegovini za 2023. godinu navedeno je sljedeće: „Bosna i Hercegovina je u ranoj fazi priprema u oblasti statistike. Ostvaren je ograničen napredak, uglavnom vezano za kvalitet statistike državnih finansija. Potrebno je unaprijediti saradnju, koordinaciju, procese donošenja odluka i pravnu osnovu za razvoj nacionalnog statističkog sistema u ključnim oblastima, sve više primjenjujući evropske i međunarodne standarde.

DEMOGRAFSKE I SOCIJALNE STATISTIKE

Statistika stanovništva - U toku 2023. godine urađena je i procjena stanovništva Bosne i Hercegovine po pojedinačnim godinama starosti i polu za 2022. godinu. U 2023. godini, aktivnosti Agencije vezane za naredni popis stanovništva bazirane su na daljim pripremama prijedloga nacarta Zakona o popis stanovništva, domaćinstava i stanova u BiH.

Statistika tržišta rada - U 2023. godini u Bosni i Hercegovini je po prvi put provedeno Istraživanje o strukturi zarada. Terenski rad je proveden u periodu od 20. oktobra do 31. decembra 2023. godine, a obrada i objava rezultata istraživanja planirana je u junu 2024. godine. Istraživanje o strukturi zarada se provodi u cilju dobijanja podataka o prosječnim zaradama za referentni mjesec i referentnu godinu, kao i prosječnim zaradama po satu rada prema individualnim karakteristikama zaposlenih (zanimanje, pol, stepen obrazovanja, starost, dužina radnog staža u poslovnom subjektu, vrsti ugovora zaposlenog i sl.), kao i prema karakteristikama poslovnog subjekta u kojem zaposleni rade (djelatnosti, veličini i obliku svojine poslovnog subjekta).

Statistika obrazovanja - U 2023. godini je urađena finalna varijanta Klasifikacije polja obrazovanja za srednje i visoko obrazovanje. Statističke institucije u Bosni i Hercegovini su početkom 2023. godine pripremile sav metodološki instrumentarij za sprovođenje novog vala Ankete o obrazovanju odraslih – AOO 2022. čiji je terenski rad bio planiran da se sprovodi u periodu od februara - marta 2023. godine, ali zbog nedostataka finansijskih sredstava za terenski rad u Federalnom zavodu za statistiku sve aktivnosti na anketi su obustavljene.

Anketa o potrošnji domaćinstava - U I kvartalu 2022. godine finaliziran je terenski rad na Anketi o potrošnji domaćinstava 2021/22. Završen je unos podataka i kreirana sirova baza. Započet je proces editovanja i imputacije podataka i analiza podataka. U 2023. godini objavljeno je Saopštenje sa rezultatima Ankete o potrošnji domaćinstava 2021/22 i nastavljaju se aktivnosti kroz rad na Publikaciji.

Anketa o prihodima i uslovima života - Prva puna Anketa o prihodima i uvjetima života (SILC) je provedena u 2022. godini. Terenski rad se odvijao u periodu maj-jul 2022, nakon čega je kreirana sirova baza podataka. Izvršeno je šifriranje tekstualnih polja za zanimanje i djelatnost, završen proces editovanja i imputacije. Kao konačni rezultat kreirane su četiri izlazne baze podataka, po zvaničnoj metodologiji i poslate u Eurostat u predviđenom roku (31.12. 2022). U 2023. godini provedeno je prvo SILC longitudinalno istraživanje, završen je proces editovanja i imputacije, i nalazimo se u fazi ponderisanja i priprema za transmisiju podataka Eurostatu.

• EKONOMSKE STATISTIKE

Statistika nacionalnih računa – Nacionalni računi Agencije za statistiku su, pored svojih redovitih aktivnosti, koje se odnose na proizvodnju godišnjih i tromjesečnih procjena Bruto domaćeg proizvoda, sukladno ESA 2010 konceptu, uporedno realizirale i aktivnosti na uspostavi novog obračuna indirektno mjerenih usluga finansijskog posredovanja (FISIM-a). Objavljena je lista rezidentnih jedinica razvrstanih u institucionalne sektore, za 2022. godinu.

Statistika cijena - Redovno je vršeno prikupljanje, obrada i objava mjesečnih saopćenja o Indeksima potrošačkih cijena. Provode se dalje aktivnosti na uspostavi Harmoniziranog indeksa potrošačkih cijena.

Statistika robne razmjene BiH sa inostranstvom - U 2023. godini Agencija je vršila redovno mjesečno prikupljanje, obradu i publikovanje mjesečnih podataka o robnoj razmjeni BiH sa inostranstvom.

Strukturne statistike (SPS) - U 2023. godini nastavljene su završne aktivnosti na proizvodnji strukturalnih poslovnih statistika za referentnu 2021. godinu za djelatnosti industrije, građevinarstva, trgovine i usluga. Izvršena je procjena strukturalnih poslovnih varijabli za preduzetnike na osnovu podataka o zaposlenosti u Statističkom poslovnom registru i podataka iz strukturalnih poslovnih statistika za preduzeća

PRODCOM i Kratkoročne statistike (KPS) - Eurostat je ocijenio PRODCOM statistiku BiH kao potpuno usklađenu sa zahtjevima ESS. Tokom 2023. godine nastavljena je redovna proizvodnja i publikovanje mjesečne statistike industrijske proizvodnje, statistike prometa u industriji, kvartalne statistike građevinarstva, statistike proizvođačkih cijena u građevinarstvu, kvartalne statistike distributivne i trgovine na malo, statistike prijevoza i skladištenja.

SEKTORSKE STATISTIKE

Popis poljoprivrede – Kroz niz misija u okviru projekta „Podrška Popisu poljoprivrede u Bosni i Hercegovini“ se radilo na analizama već urađenog posla u okviru Pilot popisa poljoprivrede kao i na pripremi niza važnih dokumenata za nastavak pripreme i provođenja Popisa poljoprivrede u BIH krajem 2024. godine.

Energetska statistika - Provedeno je statističko pilot istraživanje nafte i naftnih derivata sa ciljem uspostavljanja registra davalaca podataka/izvještajnih jedinica.

Statistika transporta – Agencija je po prvi put dostavila podatke Eurostat-u za vazdušni saobraćaj za referentnu 2021. godinu za međunarodne aerodrome Sarajevo i Tuzla. Dostavljeni su zahtjevani mjesečni setovi podataka (data sets A1 i B1) kao i zbirni data set C1 (ukupno 25 setova podataka). Podaci su uspješno validirani od strane Eurostata..

Statistika turizma - U 2023. nastavljene su aktivnosti na redovnom provođenju anketnog istraživanja o privatnim i poslovnim putovanjima za referentnu 2022. godinu. Publikovanje rezultata ankete i dostava zahtjevanih setova podataka Eurostatu planirano je u prvom polugodištu 2024. godini

Statistika nauke, tehnologije, inovacija - Tokom 2023. godine izvršene su potrebne metodološke pripreme za redovno provođenje dvogodišnjeg statističkog istraživanja „Inovativne aktivnosti preduzeća (CIS 2022)“.

OKOLIŠ I VIŠEPODRUČNE STATISTIKE

Statistika okoliša – Rezultat aktivnosti kroz IPA 2019 MBP projekat su revidirani statistički podaci za za period 2017.-2020. Izvršena je transmisija podataka u EURUSTAT, zajedno sa podacima za 2021 godinu (2023 EW-MFA Questionnaire). Po prvi puta su dostavljeni podaci za obvezne tabele upitnika EW-MFA.

Statistika otpada i voda - Uspostavljena je aktivna saradnja sa Fondom za zaštitu životne sredine (FZO FBiH) na razmjeni podataka o specifičnim tokovima otpada. Agenciji za statistiku BiH je odobren direktan pristup mikropodacima u Informacionom sistemu za otpad FZO FBiH.

Indikatori održivog razvoja - Ažuriran je BiH portal indikatora Ciljeva održivog razvoja za BiH, sa novim podacima, novim indikatorima i novim informacijama, zaključno sa oktobrom 2023. Portal pruža korisničkim stranama kontinuirano ažurirane podatke o statusu UN SDG indikatora za Bosnu i Hercegovinu i detaljne metodološke informacije. (<https://sdg.bhas.gov.ba/bs/>).

I-a Problemi i izazovi u toku implementiranja programa rada Agencije

Agencija je uspješno provela statističke aktivnosti i istraživanja navedena u Programu rada Agencije za 2023. godinu. U saradnji sa Federalnim zavodom za statistiku i Republičkim zavodom za statistiku Republike Srpske realizirano je 99% planiranih istraživanja/aktivnosti odnosno od planiranih 192 istraživanja/aktivnosti provedeno je 190 istraživanja/aktivnosti.

Istraživanja koja su planirana a nisu provedena u 2023. godini:

- *Harmonizirani indeks potrošačkih cijena* na nivou BiH (implementacija u toku).
- Nije ostvaren napredak u izradi *Prijedloga nomenklature statističkih teritorijalnih jedinica u Bosni i Hercegovini*.

II - IZVJEŠTAJ O PROVEDBI AKCIONOG PLANA GODIŠNJEG PROGRAMA RADA AGENCIJE ZA STATISTIKU BIH ZA 2023. GODINU											
Opći cilj/ princip razvoja:		Integrirani rast									
Strateški cilj:		Makroekonomska stabilnost									
Srednjoročni cilj:		Obezbjediti kvalitetne, harmonizovane i pravovremene službene statističke podatke svim korisnicima									
Specifični cilj:		Unaprijediti kvalitet službene statistike i kvalitet odnosa sa korisnicima									
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provedbe		Komentar
		Jedinica mjerenja (% , broj ili opisno)	Polazna vrijednost 2022	Ciljana vrijednost 2023	Ostvarena vrijednost na kraju 2023	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1 Proizvodnja službene statistike u skladu sa potrebama korisnika											
1.1.1 Provedba statističkih istraživanja/aktivnosti											
1.1.1.1 Provođenje statističkih istraživanja iz oblasti Demografskih i socijalnih statistika	Sektor za statistiku stanovništva i društvenih statistika	broj	31	34	34	Budžet	5.157.934	4.751.914	I - IV	I - IV	Realizirana sva istraživanja
Provođenje statističkih istraživanja iz oblasti ekonomskih statistika	Sektori za ekonomske i poslovne statistike	broj	47	48	47						Jedna aktivnost nije realizirane (razlog naveden u poglavlju I-a)
1.1.1.3 Provođenje statističkih istraživanja iz oblasti Sektorskih statistika	Sektor za polj.,okoliš i reg.statistike, Sektor za poslovne statistike	broj	88	90	90						Realizirana sva istraživanja
1.1.1.4 Provođenje statističkih istraživanja iz oblasti Okoliša i statistika za više područja	Odsjek za okoliš, energiju i regionalne statistike	broj	19	20	19						Jedna aktivnost nije realizirana (razlog naveden u poglavlju I-a)
1.1.1.5 Izrada programske podrške za obradu i diseminaciju podataka	Odsjek za aplikacije i upravljanje bazama podataka;	broj	45	45	45						Realizirana aktivnost

1.1.1.6 Izrada i objavljivanje statističkih publikacija	Odsjek za uredništvo i publikovanje	broj	413	418	420							Realizirana aktivnost
1.1.2 Infrastrukturna podrška statističkoj proizvodnji												
1.1.2.1 Uspostava i razvoj sistema finansijskog upravljanja i kontrole	Sve organizacione jedinice Agencije i rukovodstvo	%	75	77	77	Budžet	1.086.915	971.952	I - IV	I - IV		Realizirana planirana vrijednost

Napomena: Podaci o ostvarenim troškovima nisu konačni - naveden je podatak sa presjekom stanja sa 26.01.2024. godine

III - IZVJEŠTAJ O IZRAĐENIM ZAKONIMA PLANIRANIH PROGRAMOM RADA AGENCIJE ZA STATISTIKU BIH ZA 2023. GODINU							
<i>Opći cilj/ princip razvoja:</i> Integrirani rast							
<i>Strateški cilj:</i> Makroekonomska stabilnost							
<i>Srednjoročni cilj:</i> Obezbjediti kvalitetne, harmonizovane i pravovremene službene statističke podatke svim korisnicima							
<i>Specifični cilj:</i> Unaprijediti kvalitet službene statistike i kvalitet odnosa sa korisnicima							
Naziv zakona	Vrijeme provedbe		Status zakona zaključno sa 31.12.2023. godine				Komentar
	Planirani kvartal za provedbu	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Proizvodnja službene statistike u skladu sa potrebama korisnika							
1.1.1 Provedba statističkih istraživanja/aktivnosti							
-	-	-	-	-	-	-	-

IV - IZVJEŠTAJ O IZRAĐENIM PODZAKONSKIM AKTIMA PLANIRANIH PROGRAMOM RADA AGENCIJE ZA STATISTIKU BIH ZA 2023. GODINU							
<i>Opći cilj/ princip razvoja:</i> Integrirani rast							
<i>Strateški cilj:</i> Makroekonomska stabilnost							
<i>Srednjoročni cilj:</i> Obezbjediti kvalitetne, harmonizovane i pravovremene službene statističke podatke svim korisnicima							
<i>Specifični cilj:</i> Unaprijediti kvalitet službene statistike i kvalitet odnosa sa korisnicima							
Naziv podzakonskog akta	Vrijeme provedbe		Status podzakonskog akta zaključno sa 31.12.2023.				Komentar
	Planirani kvartal za provedbu aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BIH (DA/NE)	Usvojen na VM BIH (DA/NE)	
1	2	3	4	5	6	7	8
1.1 Proizvodnja službene statistike u skladu sa potrebama korisnika							
1.1.1 Provedba statističkih istraživanja/aktivnosti							
1.1.1.1 Plan rada Agencije za statistiku BiH za 2024. (Odluka o usvajanju)	IV	IV	DA	DA	DA	NE	Odluku o usvajanju Plana rada Agencije za 2024. godinu usvojilo Vijeće ministara BiH na 33. sjednici održanoj 20.12.2023. godine.

V – IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA 2023. GODINU							
<i>Opći cilj/ princip razvoja:</i>		Integrirani rast					
<i>Strateški cilj:</i>		Makroekonomska stabilnost					
<i>Srednjoročni cilj:</i>		Obezbjediti kvalitetne, harmonizovane i pravovremene službene statističke podatke svim korisnicima					
<i>Specifični cilj:</i>		Unaprijediti kvalitet službene statistike i kvalitet odnosa sa korisnicima					
Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2023. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)	-	-	-	-	-	-	-

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA STATISTIKU BIH ZA 2023. GODINU				
<i>Opći cilj/ princip razvoja:</i> Integrisani rast				
<i>Strateški cilj:</i> Makroekonomska stabilnost				
<i>Srednjoročni cilj:</i> Obezbjediti kvalitetne, harmonizovane i pravovremene službene statističke podatke svim korisnicima				
<i>Specifični cilj:</i> Unaprijediti kvalitet službene statistike i kvalitet odnosa sa korisnicima				
Naziv projekta javnih investicija	Osnovni ciljevi, aktivnosti i komponente projekte		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Proizvodnja službene statistike u skladu sa potrebama korisnika				
1.1.1 Provedba statističkih istraživanja/aktivnosti				
1.1.1.1 IBIH-BHAS -17 EU podrška efikasnoj i odgovornoj javnoj upravi, uključujući dalje jačanje statističkog sistema (IPA 2017 nacionalni projekat, sektor demokratija i upravljanje).	2021.- 2022.	DA	ZAVRŠENO	Projekat završen u martu 2023. godine
1.1.1.2 IBIH-BHAS-18 IPA 2019 - nacionalni projekat, sektor demokratija i upravljanje	2023. - 2026	NE	U POSTUPKU	-

<p>1.1.1.2 IBIH – BHAS – 4 Popis poljoprivrede u BiH</p>	<p>2023. - 2026.</p>	<p>NE</p>	<p>U POSTUPKU</p>	<p>Implementacija projekta se odvija u navedenom vremenskom periodu. Planirana provedba popisa poljoprivrede u IV kvartalu 2024. godine.</p>
---	----------------------	-----------	-------------------	--

VII – IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU AGENCIJE ZA STATISTIKU BIH ZA 2023. GODINU

U skladu s članom 11. stav (6) tačka g) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14) i u skladu s odredbom člana 3. stav (1) tačka f) Uputstva o načinu pripreme godišnjeg programa rada i izvještaja o radu u institucijama Bosne i Hercegovine ("Službeni glasnik BiH", broj 45/15), Agencija je pri izradi nacrtu Izvještaja o radu Agencije za statistiku Bosne i Hercegovine za 2023. godinu obavila konsultacije.

Agencija je u skladu s članom 21. Pravila za konsultacije u izradi pravnih propisa ("Službeni glasnik BiH", broj 5/17), u postupku pripreme Izvještaja o radu Agencije za 2023. godinu s ciljem izrade Izvještaja o radu koji će zadovoljiti temeljne ciljeve kvalitetnog informiranja, u vremenu od 29.01.2024. do 13.02.2024. godine putem web aplikacije <https://ekonsultacije.gov.ba> omogućila zainteresiranoj javnosti da u naznačenom vremenskom periodu dostavi prijedloge i primjedbe na nacrt Izvještaja o radu. U navedenom terminu za konsultacije, nije bilo prijedloga niti sugestija na dostavljeni nacrt Izvještaja o radu Agencije za statistiku Bosne i Hercegovine za 2023. godinu.

Na nacrt Izvještaja o radu za 2023. godinu Agencija je dobila pozitivna mišljenja od Ureda za zakonodavstvo i Ministarstva finansija i trezora Bosne i Hercegovine.

DIREKTORICA

Vesna Čužić